

FAAFINTÁ RASMIGA



الرسمية الرسمية

الجريدة الرسمية

JAMHUURIYADDA DIMOQRAADIGA SOOMAALIYA

لجمهورية الصومال الديمقراطية

Sannadka 12aad Muqdisho 1 Jenayo 1984 L. 1

FAAFIN BIL SOO BAXA

جريدة شهورية

QIIMADU: waa 5 shilin lambar waliba — **RUKUNKA:** Sana-dii waa Sh. 100 Soomaaliya gudeheeda - dibaddedana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janaayo. Qiimaha qortitaanku F. R. halkii sadar iyo waxii ka yar waa 2 laba Sh. Rukunka iyo qoritaanku waxaa la weydiistaa Laanta Maamulka Faafinta Rasmiga ah Lacagta waxaa lagu bixinayaa Xafiiska Canshuuraha ee Wasaaradda Lacagta.

K O O B N I I N

QAYBTA KOWAAD

S H A R C I

SHARCI L. 1 ee 1 Jen. 1984, Oggolaansho BOG.	2
ha Miisaaniyadda ku-la-galka ee san-nadka 1984.	

SHARCI L. 2 ee 7 Jen. 1984, Isbeddelka Zaad	»	4
ee Miisaaniyadda 1992.		

SHARCI L. 3 ee 8 Jen. 1984, Wax ka beddelid	»	6
Sharciga Shaqaalaha Dawladda (Shar-ci L. 5 ee 2da Febraayo 1980).		

SHARCI L. 4 ee 9 Jen. 1984, Oggolaanshaha Xisaabirkha Miisaaniyadda 1982.	»	7
---	---	---

SHARCI L. 5 ee 9 Jen. 1984, Oggolaansho Heshiis wax wada qabsi xagga dha-qaalaha Ganacsiga iyo Maalgelinta oo dhexmaray J.D.S. iyo J/yadda Federaa-liga ah ee Jarmalka.	»	8
---	---	---

Xeer Sharci lambar 2 taariikh 7 Jen. 1984, Canshuurta Gadidda.

MADAXWEYNAHA JDS

MARKUU ARKAY: Qodobka 69aad ee Dastuurka;

MARKUU TIXGELIYEH: Baahida loo qabo in la helo ilo lagu kobciyo dakhliga Miisaaniyadda Qaranka si ay Dawladdu ugu hesho awood ay ku taabbo-geli-so mas'uuliyadaheeda ballaaran ee dhaqaale, nabadgelyo, Difaac, Bulsho iyo Siyaasadda;

MARKUU DHEGEYSTAY: Soo jeedinta Wasiirka Wasaaradda Maaliyadda;

MARKUU TIXGELIYEH: Dabeeecadda deg degga ah ee canshuur abuuridda;

TIXGELIYEHNA: Oggolaanshaha Golaha Wasiirrada;

WUXUU SOO SAARAYAA

Xeerka Sharci ee soo socda:

Qod. 1aad

Waxaa la abuuray canshuurta gadidda oo ku waa-jibaysa:

1. Keenidda badeecadda;
2. Ganacsiga Jumlada;
3. Qaansheegtada Hoteelka;
4. Badeecadda ay soo saaraan Warshadaha.

Qod. 2aad

Haddii qodobada sharcigan ayan si kale u sheegin magacyada soo socda, waxaa loola jeedaa micnaha mid walba ku hor qoran:

- b) Keene waa qofka ama Shirkadda dibadda alaab ka keena;
- t) Ganacsade jumlo waa qof kasta oo ah dabiici ama qaunuuni, rayd ama Dawlad, oo sameeya ganacsi jumlo;
- j) Ganacsi jumlo waa gadidda aan ku soconin qofka ugu dambeeyaa ee si toos ah u isticmaalaya badee-

- x) Warshad waa makiinado iyo qalab meel ku rakiban looguna tala galay inay alaab ceyriin ama la farsameeyay bedleelaan ama ay sameeyaan farsamo aan isbedel keeneynin hase ahaatee kordhineysa qiima ha alaabada cayriin;
- kh) Warshadle waa qofka leh warshadda, ha ahaado dabiici ama qaantuuni, rayid ama Dawlad.

Qod. 3aad

Canshuurta gadidda waxaa bixinayo soo dejiyaha, gataha ama jiiftaha Hoteelka.

Qod. 4aad

1. Tacriifada canshuurta gadidda waa 5% qimaha badeecadu ku soo degtay ee canshuurta Furdada lagu daro, lagu kala gatay ama qimaha qaansheegta hotelka.

2. Qaansheegatooyinka ay ku waajibto canshuurta gadidda, waa ka deeysan yihiin canshuurta boolada, ee ku xusan qodobka 7aad ee Sharciga lambar 6 ee 7.12.66.

Qod. 5aad

Canshuurta gadidda waxay waajibaysaa mar allaa-le markii badeecada soo degto ama uu dhaco wax is dhaafsiga badeecada ama hawsha, haddii aan la kala qaadan qimaha wax is dhaafsiga kolay ku tahay.

Qod. 6aad

1. Canshuurta waxaa lagu uruurinaya boolo u gaar ah oo lagu dhejinaayo qaansheegtooyinka ku xusan qodobka 9aad ee sharcigan.

2. Hase ahaatee canshuurta gadidda ee ku waajibta soo dejinta waxaa lacag ahaan loola qaadanaya canshuurta Furdada.

3. Teeda kale, Wasiirka Wasaaradda Maaliyadda waa ruqsayn karaa in canshuurtaas Xafiisyada furdoo-yinka iyo canshuurraha dadban ay lacag ahaan u gab-

Qod. 7aad

1. Boolada ku xusan qodobka sare waxaa soo saarayso Wasaaradda Maaliyadda midiiba wuxuu u qaybsamaa labo, waxayna leeyihiin midab kala duwan iyo lambar kow (1) iyo labo (2) qaybta ama lambarka koo-waad waxaa lagu dhejinayaa asliga ama qaansheegta uu qaadanayo canshuur bixiyaha, kan labaadna waxaa lagu dhejinayaa nuqulka ama qaansheegtau haraysa qofka bixinaayo qaansheegta.
2. Cabirka, qaabka iyo muuqaalka boolada waxaa lugu gooynayaa Xeerka Wasiirka Wasaaradda Maali yadda.
3. Habka gadidda iyo u qaybinta Dadweynaha iyo Hay'adaha Dawladda iyo helid la'aanta boolada waxaa loo raacayaa Sharci lambar 6 ee 7.12.66.

Qod. 8aad

1. Uru'inta iyo maamulka Canshuurta gadidda wa xaa u xil saaran Furdooyinka iyo Xafiiska Canshuurta Berriga ee dadban, iyo laamaha Canshuuraha ee Gobol-lada iyo Degmooyinka.
2. Ilaalinta iyo hubinta ku xad-gudubyada canshuurtaan waxaa u xil saaran Xafiisyada ku xusan faqradda sare, Booliska ilaalinta canshuuraha iyo guud ahaan Ciidamada Nabadjelyada iyo Xafiisyada Dawladda.

Qod. 9aad

1. Ganacsadaha jumlada, Warshadlah, Hoteelaha waa in ay sameeyaan qaansheegto markasta oo cid ba-deeco ka iibiyaaan ama hoteelka qof jiifto, hubiyaana in qaansheegtaas lagu dhajiyay boolo u dhiganta 5% ee:
 - b) Qiimaha badeecada la kala iihsaday;
 - t) Qaansheegta Hoteelka.
2. Xagga soo dejinta, canshuurta waxaa lagu cabbirayaa 5% iyadoo lagu dhufanayo qiimaha furdada

3. Qansheegtooyinka waa inay u lambareeysan yi-hiin si is daba taxan, iyadoo ka bilaabanayo kow (1) sanad walba iyo taariikhda.

Qod. 10aad

1. Ganacsadaha jumlada, soo dejiyaha iyo War-shadlah, haddii ay badeeco u gudbiyaan rugtooda ee tafaariiqeed waxaa waajib ku ah inay isu sameeyaan qaansheegto, canshuurtana ku bixiyaan habka iyo ni-daamka ku qoran qodobka 9aad.

2. Sidaasoo kale, dadkaasi waa inay canshuurta ku bixiyaan isu samaynta qaansheegto wixii tafaariiq ugu gadaan xaruntooda ganacsiga ama Warshadeed.

Qod. 11aad

Qofka qaansheegti bixinayo waxaa waajib ku ah in boolada qaansheegta lagu dhajinaayay uu shabadeeyaa ama istilaab muuqata ku sammadeeyaa.

Qod. 12aad

1. Warshadle kasta, ha ahaado rayar ama Dawlad, waxaa waajib ku ah inuu sameeyo buug lagu qoro:

- b) Wax soo saarka Warshadda;
- t) Bakhaar soo gelidda iyo bixidda badeecadda.

2. Buuggaas waa in loo qoraa, keediya, loona shabadeeyaa habka iyo nidaamka ay qorayaan shuruuc da Waddanka u degsan.

Qod. 13aad

Lama hordhigi karo, lagamana qaban karo Maxkamad ama Xafiis Dawlad qaansheegto ay ku waajibtay canshuurta gadidda, haddii aan laga bixin canshuurtaas.

Qod. 14aad

Qof kasta oo Sharcigaan ama mid kale ku khasbaayo inuu sameeyo buug xisaabeed ama qaansheegto waxaa khasab ku ah in uu u soo bandhigo markasta oo ay waydiistaan Sarraakiisba iyo Ciidamada lu shaxdaal.

Qod. 15aad

1. Qof kasta ee gudan waaya waajibaadyada ku saabsan samaynta ama isu saamaynta qaansheegto iyo haynta buugaagta ku xusan qdobka 10aad, wuxuu galayaa gef ciqaabtiisu tahay ganaax qiyaastiisu tahay Sh. So. 60.000/= ilaa Sh. So. 240.000=/.

2. Bixin la'aanta canshuurta ama bixinta tiro ka yar intii waajibtay waxaa la saarayaa ganaax caddadiisu tahay 20 ilaa 60 jeer canshuurtii baaqatay.

3. Qof kasta ee fulin waaya waajibaadka ku xusan qdobka 14aad ee sharcigan, haddii falka uusan keenaynin dembi ka culus wuxuu mutaysanayaa ganaax u dhexeeyaa Sh. So. 50.000/= ilaa Sh. So. 200' 000/=

Qod. 16aad

Qof kasta ee lagu helo in uu ku qoray qaansheegto ama buug xisaabeed qiima ka hooseeya kan dhabta ah-asaga oo ula jeedadiisu tahay inuu la baxsado canshuurta gadidda, wuxuu mutaysanayaa ganaax dhan Sh. So. 500 ilaa Sh. So. 2.000/= halkii qaansheegto ama qoraal.

Qod. 17aad

Been abuuridda iyo laba goor isticmaalka boolada canshuurta gadidda, ka sokow ciqaabaha uu qorayo Xeerka Ciqaabta wuxuu mutaysanayaa ganaaxa ku xusan qdobka 15aad faqraddiisa labaad.

Qod. 18aad

1. Inkastoo fulin La'aanta qdobada sharcigaan ay keenayso ganaax, waxaa dheer in qofkasta markasta ay waajib ku tahay bixinta canshuurtii ku baaqatay.

2. Xafiiska canshuuraha dadban, kaddib markuu ka qaado canshuurtii iyo ganaaxii ku waajibay, waa in uu ku dhuftaa qaansheegta shaabad muujinaysa in qaantuunka la waafajiyay qaansheegtaas.

Qod. 19aad

Dhinaca saxiixa ama qaata qaansheegto aan sharcigaan waafaqsanee wuxuu wax ka qaadayaa masu'uuliyadda ka dhalanayso ku xad-gudubka sharcigaan.

Qod. 20aad

biyaha, shidaalka iyo waxyaabaha ka soo baxa beera-ha Dalka, Xoolaha iyo wixii dibadda loo dhoofiyo.

2. Waxaa kale ee canshuurta gadidda ka daysan badeecoooyinka iyo qalabka uu keensado qof ama hay-ad laga dhaafay ama ka daysan canshuurta keenidda, badeecoooyinka iyo qalabka si ku meel gaar ah loo soo dejiyay.

Qod. 21aad

Xuquuqda Dawladda ee ku saabsan soo xaraynta canshuurta gadidda iyo ganaaxyada la xiriira, waxay ku gubanayaan 10 sanadood oo ka bilaabanaysa taa-riikhda canshuurtu waajibtay.

Hase ahaatee, gubashada xuquuqda Dawladda marnaba ma xalaalaynayso in dokumentiga canshuurta ku waajibtay la isticmaalo iyadoon canshuurta la bi-xin.

Qod. 22aad

Hubinta ku xad-gudubyada qodobada sharcigaan, dacwooyinka ka dhalanaaya iyo maamulkooda waxaa loo raacayaa sharci lam. 21 ee 1-8-66. Sidoo kale. khasab ku qaadidda canshuurta gadidda iyo ganaaxyada la xiriira waxaa loo raacayaa habka sharciga canshuurta toosan. sharci lambar 5 ee 5-1-66.

Qod. 23aad

Wasiirka Wasaaradda Maaliyadda, waxaa awood loo siiyay inuu soo saaro Xeer Nidaamiye Maamulka iyo fulinta Sharcigan.

Qod. 24aad

Waxaa la buriyay qodobada 17, 18 iyo 19 ee sharciga lambar 6 ee 7-12-66 keliya xagga Warshadaha iyo ganacsadayaasha kale ay ku waajibti canshuurta gadidda.

Qod. 25aad

Xeerkana Sharci wuxuu dhaqan gelayaa marka uu saxiixo Madaxweynaha JDS, waxaana lagu soo saara-ya Faafinta Rasmiga ah ee Jamhuuriyadda, waxaana loo gudbinayaa Golaha Shacbiga si loogu rogo Sharci.

Muqdisho, 7 Jen. 1984